

Den cuadro di 200 aña di existencia di Reino **Sail Aruba 2015 lo tuma luga** **den Waf di Oranjestad**

ORANJESTAD - Prome edicion di Sail Aruba ta na caminda. Un actividad cu ta priminti di bira un di e eventonan nautico mas grandi den Caribe. Dia 30 di november 2013 su Mahestad Rey Willem-Alexander a duna e señal di inicio pa cu celebracion di e 200 aña di existencia di Reino y te cu october 2015 lo tin diferente evento den henter Reino cu lo caracteriza e celebracion aki.

Aki na Aruba su Excelencia Gobernador Fredis Refunjol ta esun responsabel pa e coordinacion di e actividadnan. Pa cu esaki Gobernador a establece e Comité "Viering 200 jaar Koninkrijk Aruba."

Durante su recepcion di aña nobo Gobernador a duna e señal oficial di inicio pa e celebracion na Aruba.

Sail Aruba 2015

Un di e iniciativanan lo ta e 'Sail Aruba 2015'. E evento aki lo tuma luga ariba Diabierna 1 di mei, Diasabra 2 di mei, y Diadomingo 3 di mei



Riba imagennan por mira e anuncio oficial di Sail Aruba 2015 a bordo di Eendracht.

2015 den e waf di Oranjestad. Pa e ocasion aki Marina Real lo tene su Dia Publico Mariniers Kazerne riba e tereno completo di APA. Danki na e cooperacion estrecho cu Caribbean Sail Training Association y cu Sail Amsterdam, publico por bishita diferente "Tall Ships."

Recientemente e anuncio oficial di Sail Aruba 2015 a tuma luga a bordo di e barco

Hulandes Eendracht, cu ta un di Hulanda su barconan di mas grandi di tres bela.

Fin di siman festivo

Durante di e fin di siman festivo e comunidad di puerto lo por disfruta di entre otro un Seafood Festival, Sail in Cinema den Schoener Haven, e the Sail Aruba Races organisa pa Aruba Sailing Foundation, careda di barco miniatura, tripnan organisa



den Oranjestad, musica en bibe, cuminda y bebida y un BBQ Cook Off y pa culmina un festival di caliber.

Partnernan activo den e comision ta encera Aruba Ports Authority N.V., Mariniers kazerne Savaneta y Kustwacht Caribisch Gebied, SEL Maduro & Sons, NOW! Advertising, DIVI Resorts, Stichting Monumenten fonds Aruba, Renaissance Beach Resort & Casino, y Aruba Sailing Association.

Sigui nan publicacionnan riba nan pagina di facebook na www.facebook.com/sailaruba of bishita nan pagina web www.sailaruba.com cu lo ta activo entrante November. □